



Služba za privredu, finansije i inspeksijski nadzor

Na osnovu člana 6. Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, broj: 04-11-3-11464/2024 od 17.09.2024. godine Općina Hadžići raspisuje:

JAVNI POZIV
za dodjelu podsticaja/pomoći poduzetništvu i obrtu na području općine Hadžići

I PREDMET I CILJ JAVNOG POZIVA

Predmet Javnog poziva je prikupljanje zahtjeva fizičkih lica koja obavljaju djelatnost kao osnovno zanimanje na području općine Hadžići za ostvarivanje prava na novčani podsticaj iz sredstava Budžeta Općine Hadžići za 2024. godinu. Na javni poziv mogu aplicirati i fizička lica koja namjeravaju registrovati djelatnost kod nadležne Službe za upravu.

Općina Hadžići raspisuje Javni poziv s ciljem pomoći fizičkim licima koja obavljaju djelatnost kao osnovno zanimanje sa područja općine Hadžići u vezi sufinansiranja pokriva troškova nabavke stalnih sredstava i opreme, sirovina i repromaterijala, unaprijeđenja promocije proizvoda i usluga, očuvanja zanatske tradicije i kulturnog i historijskog nasljeđa poticanjem tradicionalnih i starih zanatskih djelatnosti kroz sufinansiranje troškova (provođenja poslovnog plana, nabavke alata i uvođenja novih tehnoloških postupaka, poboljšanja uslova rada u radionici, edukacije i stručnog osposobljavanja uposlenih i izradu reklamnog materijala), plaćanje dospjelih obaveza (PIO/MIO, zdravstveno osiguranje uposlenih, zakup poslovnog prostora), veće i lakše uključivanje žena u poduzetništvo, poticanje mladih osoba na samozapošljavanje, veće i lakše uključivanje mladih u poduzetništvo, te ostalim fizičkim licima sa ciljem pokretanja i razvoja vlastitog poslovanja, kako bi se ublažile ekonomske posljedice uzrokovane rastom indeksa potrošačkih cijena, kao i stvorila nova radna mjesta, a sve u skladu sa mjerama za realizaciju prioriteta u okviru strateških ciljeva navedenih u „Strategiji razvoja općine Hadžići 2024-2028. godina“.

II PRAVO UČEŠĆA I KRITERIJI

Pravo na učešće u dodjeli sredstava imaju:

fizičke osobe čije je prebivalište na području općine Hadžići, a posebno prioritete kategorije stanovništva - nezaposlene osobe, a imaju namjeru pokrenuti vlastiti obrt, te već registrovani obrtnici koji imaju sjedište na području općine Hadžići pod uslovima propisanim Pravilnikom o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, broj: 04-11-3-11464/2024 od 17.09.2024. godine prema sljedećim lotovima:

LOT 1.

Na LOT 1. Pravo apliciranja imaju registrovani obrtnici koji su se registrovali i počeli sa radom u 2023. godini, te su još uvijek aktivni sa radom, odnosno nisu u periodu od dana registracije do dana objavljivanja javnog poziva podnijeli zahtjev za trajnu objavu djelatnosti, što ujedno predstavlja i kriterij za dobivanje sredstava po ovom Javnom pozivu.

1. OPĆI USLOVI

- Da je prebivalište odnosno sjedište obrta, na području općine Hadžići.

2. POSEBNI USLOVI:

- Redovno izmiruju obaveze po osnovu doprinosa.

LOT 2.

Na LOT 2. Pravo apliciranja imaju registrovani obrtnici sa područja općine Hadžići, kao i fizičke osobe čije je prebivalište na području općine Hadžići, a posebno prioritetne kategorije stanovništva - nezaposlene osobe koje imaju namjeru pokrenuti vlastiti obrt – start up.

1. OPĆI USLOV:

- Da je prebivalište osobe, odnosno sjedište obrta, na području općine Hadžići.

2. POSEBNI USLOVI:

- broj zaposlenih,
- redovno izmiruju obaveze po osnovu doprinosa,
- projektnom idejom doprinose provedbi mjera za realizaciju prioriteta u okviru strateških ciljeva navedenih u „Strategiji razvoja općine Hadžići 2024-2028. godina“.

Za nezaposlene osobe sa područja općine Hadžići koje imaju namjeru pokrenuti vlastiti obrt – start up:

1. Broj članova zajedničkog domaćinstva;
2. Podnosilac zahtjeva nezaposlen (vrijeme provedeno na birou za zapošljavanje);
3. Nezaposleni članovi zajedničkog domaćinstva (nezaposlene osobe koje se ne nalaze na evidenciji nezaposlenih osoba Biroa za zapošljavanje, djeca, učenici i sl., te punoljetni nezaposleni članovi zajedničkog domaćinstva koji se nalazi na evidenciji nezaposlenih osoba Biroa za zapošljavanje);
4. a) socijalni aspekt – iznos primanja po članu domaćinstva ili nema primanja,
b) deficitarno zanimanje.

Za registrovane obrtnike sa područja općine Hadžići:

1. Broj uposlenih u obrtu;
2. Kvalitetna i detaljna ideja za provedbu mjera za realizaciju prioriteta u okviru strateških ciljeva navedenih u „Strategiji razvoja općine Hadžići 2024-2028. godina“.

Kao kriteriji će biti korišteni i parametri kao što su: vrsta djelatnosti, povećanje zaposlenosti, starost obrta, namjena ulaganja sredstava, izvor-način finansiranja, pripadnost grupi (invalidna lica, mladi, povratnici, demobilisani borci, ...), orijentisanost izvozu, dosadašnji poticaji od strane institucija sa svih nivoa vlasti.

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih članova u porodici, odnosno imaju više zaposlenih lica u obrtu.

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

Za LOT 1.

1. Obrazac za prijavu na Javni poziv za dodjelu podsticaja/pomoći poduzetništvu i obrtu na području općine Hadžići (info pult ili web stranica Općine Hadžići),
2. Ovjeren Obrazac 2002 - „Specifikacija uz uplatu doprinosa poduzetnika sa prebivalištem u Federaciji BiH“ od strane Porezne uprave – ispostava Hadžići za zadnji mjesec (obična kopija) i/ili ovjeren Obrazac 2001 – „Specifikacija uz isplatu plaća zaposlenika u radnom odnosu kod pravnih i fizičkih lica“ od strane Porezne uprave – ispostava Hadžići za zadnji mjesec (obična kopija),
3. Ovjeren od strane Porezne uprave Federacije BiH Obrazac SPR-1053 – „Specifikacija za utvrđivanje dohotka od samostalne djelatnosti“ za 2023. godinu,
4. Izvod kojim se dokazuju uplaćeni doprinosi za zadnji mjesec iz Obrazaca iz tačke 2. (Obrazac 2002 i/ili Obrazac 2001) - obična kopija,
5. Kopija lične karte,
6. Rješenje o registraciji obrta (obična kopija),
7. Uvjerenje o poreznoj registraciji sa ID brojem (obična kopija),
8. Ugovor sa bankom ili Potvrda izdata od banke o otvorenom transakcijskom računu (obična kopija).

Za LOT 2.

Nezaposlene osobe sa područja općine Hadžići koje imaju namjeru pokrenuti vlastiti obrt – start up:

1. Obrazac za prijavu na Javni poziv za dodjelu podsticaja/pomoći poduzetništvu i obrtu na području općine Hadžići (info pult ili web stranica Općine Hadžići),
2. Dokaz o mjestu prebivališta (ovjereni kopija CIPS-ove prijave ne starija od tri mjeseca),
3. Kopija lične karte,
4. Ovjereni kućna lista (šalter sala Općine Hadžići),
5. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje (Služba za zapošljavanje Kantona Sarajevo),
6. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (Uvjerenje od poslodavca), a za penzionere posljednji ček od penzije.

Registrovani obrtnici sa područja općine Hadžići¹:

1. Obrazac za prijavu na Javni poziv za dodjelu podsticaja/pomoći poduzetništvu i obrtu na području općine Hadžići (info pult ili web stranica Općine Hadžići),
2. Ovjeren Obrazac 2002 - „Specifikacija uz uplatu doprinosa poduzetnika sa prebivalištem u Federaciji BiH“ od strane Porezne uprave – ispostava Hadžići za zadnji mjesec (obična kopija) i/ili ovjeren Obrazac 2001 – „Specifikacija uz isplatu plaća zaposlenika u radnom odnosu kod pravnih i fizičkih lica“ od strane Porezne uprave – ispostava Hadžići za zadnji mjesec (obična kopija),
3. Ovjeren od strane Porezne uprave Federacije BiH Obrazac SPR-1053 – „Specifikacija za utvrđivanje dohotka od samostalne djelatnosti“ za 2023. godinu,
4. Izvod kojim se dokazuju uplaćeni doprinosi za zadnji mjesec iz Obrazaca iz tačke 2. (Obrazac 2002 i/ili Obrazac 2001) - obična kopija,
5. Kopija lične karte,
6. Rješenje o registraciji obrta (obična kopija),
7. Uvjerenje o poreznoj registraciji sa ID brojem (obična kopija),
8. Ugovor sa bankom ili Potvrda izdata od banke o otvorenom transakcijskom računu (obična kopija).

¹ Pravo na apliciranje nemaju postojeći obrtnici koji nisu opravdali sredstva po Javnom pozivu iz 2022. godine

IV PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, koju imenuje Općinski načelnik. Sredstva za dodjelu podsticaja obrtnicima i poduzetnicima su planirana u Budžetu Općine Hadžići za 2024. godinu i iznose 100.000,00 KM, te ista ne moraju biti utrošena u planiranom iznosu.

NAPOMENA:

Obrazac za prijavu se može preuzeti na prijemnoj kancelariji Općine Hadžići ili na web stranici Općine i zajedno sa dokumentacijom predati u zatvorenoj koverti na protokol Općine Hadžići ili preporučeno putem pošte na adresu:

Općina Hadžići
Služba za privredu, finansije i inspekcijski nadzor
Hadželi 114
71240 Hadžići

sa naznakom „**Za javni poziv za dodjelu podsticaja/pomoći poduzetništvu i obrtu na području općine Hadžići**“.

Na poleđini koverta obavezno se navodi:

Za registrovane obrtnike - ime i prezime aplikanta, naziv djelatnosti, adresa djelatnosti, kontakt telefon i ovjerava se pečatom djelatnosti.

Za nezaposlene osobe - ime i prezime aplikanta, adresa i kontakt telefon.

Nepotpuna, neuredna, netačna i neblagovremena dokumentacija neće se uzimati u razmatranje.

Sve dodatne informacije mogu se dobiti u Službi za privredu, finansije i inspekcijski nadzor općine Hadžići II sprat soba broj 204 ili na broj telefona 033/475-947 svakim radnim danom od 08:00-16:00 sati.

U postupku po Javnom pozivu Općina Hadžići ne snosi nikakve troškove učesnika Javnog poziva, kao ni odgovornost prema učesnicima Javnog poziva u pogledu aktivnosti koje su preduzeli u cilju apliciranja, također prispjela dokumentacija se ne vraća podnosiocu.

Javni poziv ostaje otvoren do 11.10.2024. godine do 16,00 sati.

Hadžići, 01.10.2024. godine
Broj: 04-11-3-11464-1/2024

Dostavljeno:

1. Kabinet načelnika- web stranica: www.hadzici.ba;
2. Oglasna ploča Općine Hadžići;
3. Arhivi.



OPĆINSKI NAČELNIK

Hamdo Bjubović dipl.ing.maš.